



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-422;
fax. +387 33 726 414
e – mailinfo@voda.ba

Broj: UP-1/21-3-40-535-5/21

Datum: 16.02.2022 godine

«Agencija za vodno područje rijeke Save» Sarajevo rješavajući po zahtjevu Investitora „Rudnici boksita Jajce” d.d. Jajce u postupku izdavanja vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za rezanje i obradu kamena, sa pratećim objektima i sadržajima izgrađenog u naselju Divičani, općina Jajce na osnovu člana 139. stav (1) tačka 3. i 10. Zakona o vodama („Službene novine Federacije BiH”, broj 70/06) i člana 200. stav (1) Zakona o upravnom postupku („Službene novine Federacije BiH”, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „Rudnici boksita Jajce” d.d. Jajce za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji izgrađenoga postrojenja za rezanje i obradu kamena, u naselju Divičani, općina Jajce, na k.č. (katastarski podaci) 1-1, 1-2, 2-2, 2-3, 2-4, 2-7, 2-11, 2-12, 2-14, 2-15, 4-1/1, 4-2/1, 4-2/2, 7-27, 14-120/1, 14-121/1, 15-7/3 i 21-76, K.O.Divičani, P.L. 96, odnosno (gruntovni podaci) k.č. 76/29, SP_Divičani, zk.ul.br. 854, općina Jajce.
2. Ova vodna dozvola se odnosi isključivo na aktivnosti i lokaciju definiranu tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH” broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i utvrđenog činjeničnog stanja na objektu i pod slijedećim uvjetima:
 - 3.1 Da, za vrijeme trajanje ove dozvole, korisnik prilagodi stanje odvodnje oborinskih i tehnoloških voda kao i njihov tretman shodno izrađenoj dokumentaciji „Glavni projekt odvodnje parterne oborinske i tehnološke otpadne vode” izrađeno od ovlaštenog poduzeća „Zagrebinspekt” d.o.o. Mostar, oznaka projekta 01-15-133-XII/21 iz 12/2021.
 - 3.2 Da korisnik izgrađenih objekata i instalirane opreme koji se koriste za rezanje i obradu kamena, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.3 Da korisnik navedenih objekata za vrijeme trajanja ove dozvole, osigura da se otpadne vode iz postrojenja za rezanje i obradu kamena nesmetano sakupljaju i odvede do objekata predviđenih za tretman otpadnih voda-sustava taložnika i separatora ulja i masti s ispustom u prirodni recipijent (zemljište koje koristi Investitor). Ispuštena voda

- iz separatora masti i ulja mora biti sukladna Uredbi o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
- 3.4 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih u tabeli 1 Priloga 27. Uredbe o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.5 Da se uspostavi i redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13 i 26/14).
 - 3.6 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža, taložnici i separator ulja i masti) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.7 Čišćenje strojeva i opreme vršiti isključivo na betonskoj podlozi s izvedenim sustavom odvodnje prema taložnicima odnosno separatoru ulja i masti.
 - 3.8 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
 - 3.9 Otpad koji nastaje u postupku proizvodnje i drugi nusproizvodi, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.10 U cjelokupnom kompleksu koji se koristi za rezanje i obradu kamena i betonskih prefabrikata, zabranjuje se pretakanje nafte i naftnih derivata u bilo kom obliku i namjeni.
 - 3.11 S ovlaštenim poduzećem sklopiti ugovor o održavanju, čišćenju i pražnjenju separatora masti i ulja i voditi evidenciju o istom.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, „Rudnici boksita Jajce” d.d. Jajce je dužan provoditi sve mjere i aktivnosti propisane istom.
 6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav 1 Zakona o vodama („Službene novine Federacije BiH“ broj 70/06) se daje sa rokom važenja od pet (5) godine od dana pravosnažnosti rješenja.

O b r a z l o ž e n j e

Investitor, „Rudnici boksita Jajce“ d.d. Jajce obratio se ovoj Agenciji sa zahtjevom za izdavanje vodne dozvole za aktivnosti koje mogu imati specifične uticaje na vode, a odnose se na rezanje i obradu kamena na lokalitetu Divičani, općina Jajce, izrađenom na k.č. (katastarski podaci) 1-1, 1-2, 2-2, 2-3, 2-4, 2-7, 2-11, 2-12, 2-14, 2-15, 4-1/1, 4-2/1, 4-2/2, 7-27, 14-120/1, 14-121/1, 15-7/3 i 21-76, K.O.Divičani, P.L. 96, odnosno (gruntovni podaci) k.č. 76/29, SP_Divičani, zk.ul.br. 854, općina Jajce.

Uz zahtjev je dostavljena slijedeća dokumentacija:

- Aktualni izvod iz sudskog registra broj 051-0-Reg-18-000515 od 24.10.2018., izdanog od Općinskog suda Travnik;
- Ovjerenu kopiju uvjerenja o poreznoj registraciji izdato od strane Kantonalnog poreznog ureda Novi Travnik od 15.11.2018. godine;
- Ovjerenu kopiju uvjerenja o registraciji/upisu u Jedinostveni registar obveznika neizravnih poreza, broj 04/1-17-1-UPJR/1-15676-2/18 od 20.12.2018. godine;
- Zemljišno knjžni izvadak br.854 izdan od Općinskog suda u Jajcu od 02.11.2021.god.;
- Izvod iz posjedovnog lista br. 96 od 02.11.2021., izdan od Službe graditeljstva, prostornog uređenja, geodetskih, katstarskih i imovinsko pravnih poslova općine Jajce;
- Ugovor s JP „Vodovod i kanalizacija“ d.o.o. G.Vakuf br.117/2021 od 21.12.2021.god., o čišćenju i održavanju septičke jame;
- Projektno tehnička dokumentacija, „Glavni projekt parterne oborinske i tehnološko otpadne vode“ izrađen od „ZAGREB INSPEKT“ d.o.o. Mostar oznake 01-15-133-XII/21 iz 12/2021. (vraćena Investitoru na uviđaju);
- Monitoring plan za okoliš- monitoring otpadne vode za 2022.god., izrađen od „ZAGREB INSPEKT“ d.o.o. Mostar;
- Ugovor o zbrinjavanju opasnog otpada s poduzećem „CIAK“ d.o.o. Grude br.16/22;
- Ugovor o čišćenju i održavanje separatora masti i ulja s poduzećem „CIAK“ d.o.o. Grude br.17/22;
- Kopija uplatnice o plaćenju upravnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-I/21-3-40-535-4/21 od 11.02.2022. na kome je konstatirano sljedeće:

Postrojenje za rezanje i obradu kamena nalazi se u naselju Divičani, općina Jajce, na lokalitetu koje je prije procesa privatizacije, bilo vlasništvo Elektrovrbaša iz Jajca kao i općenarodna imovina, a koje se nalazi k.č. (katastarski podaci) 1-1, 1-2, 2-2, 2-3, 2-4, 2-7, 2-11, 2-12, 2-14, 2-15, 4-1/1, 4-2/1, 4-2/2, 7-27, 14-120/1, 14-121/1, 15-7/3 i 21-76, K.O.Divičani, P.L. 96, odnosno (gruntovni podaci) k.č. 76/29, SP_Divičani, zk.ul.br. 854, općina Jajce.

Godišnja proizvodnja odnosno rezana količina kamena je cca 1.100 m³ i uglavnom se odnosi na proizvodnju arhitektonsko-građevinskog kamena koji se distribuira u rezanim pločama ili blokovima.

Kompleks za rezanje kamena sastoji se od upravne zgrade, dvije hale za rezanje i obradu kamena, taložnici sa sustavom odvodnje i sakupljanja oborinskih i tehnoloških voda i manipulativni prostor koji se koristi za skladištenje kamena, unutarnje prometnice i parking prostor.

U dvije izgrađene hale obavlja se djelatnost rezanja i obrada kamena u kojima je izgrađen sustav za prikupljanje tehnoloških voda i koje se usmjeravaju na niz taložnika i bazenom za prečišćenu vodu koja se u sustavu recirkulacije koristi u procesu proizvodnje. U slučaju kada crpke ne rade višak vode se preko taložnika skuplja u cijevasti spremnik s prelivom vode u prirodni recipijent (zemljište koje koristi Investitor).

Otpad iz taložnika koristi se u procesu proizvodnje, kao nasipni materijala za uređenje terena koji koristi investitor ili se koristi za prodaju.

Sanitarne vode su spojene na trokomornu septičku jamu koju održava i prazni JP "Vodovod i Kanalizacija" Gornji Vakuf s kojim poduzeće ima ugovor.

Vodoopskrba se vrši iz gradskog vodovoda kojim gospodari JKP „Vodovod i Kanalizacija“ d.o.o. Jajce.

Na lokalitetu gdje je izrađeno postrojenje za rezanje i obradu kamena ne vrši se pretakanje goriva, jer su svi strojevi na el. energiju, a usluge transporta su minimalne.

Predmetna parcela se ne nalazi u zoni vodnog dobra.

Za efikasniji tretman otpadnih voda izrađena je dokumentacija „Glavni projekt parterne oborinske i tehnološko otpadne vode“ izrađen od „ZAGREB INSPEKT“ d.o.o. Mostar kojim je predviđeno uređenje površina koje se koriste za parking prostor kao i površine za unutarnji promet SUS vozilima, izgradnja sustava odvodnje sa svih manipulativnih površina do separatora ulja i masti.

Do sada nije vršen monitoring otpadnih voda.

Na osnovu utvrđenog činjeničnog stanja kao i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u točki 3. dispozitiva rješenja, shodno odredbama člana 116. Zakona o vodama, članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) i Uredbe o uvjetima ispuštanja otpadnih voda u okoliš i sisteme javne kanalizacije propisani uvjeti kojih se korisnik pogona ima pridržavati.

Točkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se predaje ovom organu neposredno ili preporučenom poštom. Žalba se taksira sa 15,00 KM administrativne takse.

Obrađivač akta:

Marko Barić, dipl.inž.građ.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.gra

Dostaviti:

- „RUDNICI BOKSITA JAJCE“ d,d Jajce, Divičani bb, Jajce
- AVP Sava, ISV-vodna knjiga
- Sektor 50
- ① Org.jed. 40 – arhiva
- Oglasna ploča AVP Sava